

13 OCT 1999

SULTAN HASSANAL BOLKIAH SAKSI FORMULA ONE

KUALA LUMPUR, 13 Okt (Bernama) -- Sultan Brunei, Sultan Hassanal Bolkiah akan tiba di sini Jumaat ini dalam rangka lawatan kerja selama empat hari.

Menurut kenyataan Wisma Putra, lawatan itu adalah bersempena dengan Rundingan Tahunan Ketiga di antara baginda dan Perdana Menteri Datuk Seri Dr Mahathir Mohamad.

Sultan Brunei yang mengetuai delegasi seramai 23 orang terdiri daripada seorang Menteri dan pegawai-pegawai kanan kerajaan Brunei, akan mengadakan satu perbincangan empat mata dengan Dr Mahathir mengenai perkara-perkara berkaitan hubungan dua hala dan isu serantau dan antarabangsa.

Baginda juga dijangka mengadakan satu kunjungan muhibbah ke atas Yang Dipertuan Agong Sultan Salahuddin Abdul Aziz Shah. Perdana Menteri juga akan meraikan baginda dalam satu jamuan makan malam.

Semasa lawatan itu, baginda juga dijangka akan turut menyaksikan perlumbaan Grand Prix F1 Petronas Malaysia di litar lumba Sepang 17 Okt ini.

-- BERNAMA

sbj zb